

**Zeitschrift:** Schwyzerlüt : Zytschrift für üsi schwyzerische Mundarte  
**Band:** 13 (1951)  
**Heft:** 4-6

**Artikel:** Heimetbode  
**Autor:** Fringeli, Albin  
**DOI:** <https://doi.org/10.5169/seals-183510>

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 28.03.2026

**ETH-Bibliothek Zürich, E-Periodica, <https://www.e-periodica.ch>**

## Vier Gedicht vom Albin Fringeli

### Heimetbode

Schwer isch s Schaffe i dr Heimet,  
Ruuch un steinig isch dr Grung,  
Schwile nimmsch am Obe mit dr,  
Und am Änd verschloht  
ne Gwitter  
D Arbet vo so mängger Stung.

Einewäg! Mir hei ne Mueter,  
Won is gitt, so lang si het.  
Ruchi Häng si d Ehrezeiche,  
Aß si öis tuet s Chörbli reiche;  
Gheis mueß ohni Brot is Bett.

Schaffe wei mr i de Täler,  
Schwitze a de geeche Rai.  
Singe uff em freie Bode,  
Alli Dörnhürscht wei mr rode,  
Bis mr schönschte Längli hei.

### Chumm lueg

Chumm emol my Lang cho luege,  
Wenn s im schönschte  
Bliehjet stoht!  
Wenn uß jedem Baum und  
Hürschtli  
Liecht un Duft dur d Matte goht.

Chumm emol my Lang cho luege,  
Wenn vom letschte griene Hag  
Roti Beerli füre zünge,  
Glänzig wie am Hochzytstag.

Chumm emol my Lang cho luege,  
Wenn s tuet schlofe tief im Schnee,  
Un denn gang i d Wält goh sueche,  
Epp de Schöners no chausch gseh!

### Arm und Rych

Aer sitzt am Bördli uff me Stei  
Und ißt si trogge Brot ellei;  
Denn mähit er wyters Schritt  
für Schritt,  
Het Freud, aß s schwere Weize git.  
Du meinsch, är syg ne arme Ma!  
O nei, är wott s nit angrisch ha.

Aer sitzt am schwere Eichtisch,  
Tringgt guete Wy zum fyne Fisch;  
Und noche chunnt dr Guggel dra...  
Mueß eppe sibe Täller ha!  
He doch, dä Ma isch gröisli rych!  
Doch zletsch am Aend sy alli glych.

### Friehligszyt

Jo, ändlig isch dr Friehlig cho,  
Chausch säge, was de witt.  
Dr Schnee am Waldrand mueß ver-  
Er nimmt dr Winter mit; [goh,  
Un uff dr Matte, über d'Nacht,  
Hei d Summervögel d Tür  
uffgmacht.

Ne Näbelfätze jagt drvo,  
Er weiß nit rächt wohi;  
Er reist im chalte Winter no,  
Sy Zyt isch o verby.  
Dr Summervogel gauglet mit:  
Fahr ab! Drvo! s isch Friehligszyt!

My Härz will noni gschwinger  
Es het no Winterszyt, [schlo,  
Es gspürt dr Näbel eister no,  
Wo uff em Härzhuus lyt:  
Do rüeft vom Wald dr Gugger dry:  
«Mach s Härz barat, ne Freud  
will dry!»

Us: „Der Holderbaum“  
Schwarzbueb-Verlag Jeger-Moll, Breitenbach.